



HAKBI'IT NASAUN HO SERVISU! LORON IDA, SERVISU IDA, BA
EMA IDA IDAK!

AMI FIAR IHA EMA NIA FORSA

Ami nia MISAUN maka atu kria solusaun sira RH nian ne'ebé étiku no inkluzivu ne'ebé fó kbiit ba talentu lokál no selebra diversidade. Ami iha paixaun atu harii oportunidade empregu sustentável sira ne'ebé fó benefísiu ba ami nia kliente sira no hasa'e ami nia comunidade. Ami dudu husi kompromisu ba supervisaun, reziliénsia, no futuru ida ne'ebé di'ak liu ba Timor-Leste — iha ne'ebé ema hotu iha oportunidade atu buras no halo diferença.



20 de Maiu — Loron Restauraun Independénsia Timor-Leste

- Husi Lian Konnektu nia Ekipa

Iha loron 20 de Maiu, povu Timor-Leste selebra momentu istóriu ida ne'ebé importante tebes ba nasaun ida ne'e. Loron ida ne'ebé marka restauraun independénsia Timor-Leste iha tinan 2002, hafoin tinan barak hosi luta, sakrifísiu, no perseveransa hosi povu timoroan.

Independénsia la mai fasil. Hetan ho koragem, unidade, no esperansa hosi ema barak ne'ebé hakarak haree Timor-Leste sai nasaun livre no soberanu.

Agora, responsabilidade jersaun foun nian la'ós deit atu lembra istória, maibé mos atu kontinua harii futuru ida ne'ebé forte, modernu, no sustentável.

Iha mundu ne'ebé lao lalais, juventude Timor-Leste iha papel importante atu lidera mudansa liu hosi edukasaun, inovasaun, teknologia, no serbisu profesional. Futuru nasaun ida ne'e depende ba kapasidade atu aprende, kolabora, no kontinua dezenvolve abilidade foun.

20 de Maiu mos hanorin ita katak unidade mak forsa boot ida. Maski diferença iha hanoin, jersaun, no área serbisu, ita hotu iha objetivu hanesan: haree Timor-Leste sai nasaun ida ne'ebé di'ak liu ba jersaun agora no futuru.

Iha loron ida ne'e, ita fó homenagem ba herói sira, veteranu sira, no povu hotu ne'ebé kontribui ba dame no independénsia.





SELEBRA LORON INTERNASIONAL RH NIAN : HARI EKIPA FORTE LIU HUSI LIGASAUN UMANU

- Husi Lian Konnekto nia Ekipa

Organizasaun hotu-hotu nia susesu harii hosi ema sira. Iha ekipa produtivu ida-idak nia kotuk no kultura pozitivu iha serbisu fatin, maka profisionál sira Rekursu Humanu nian. Ne'ebé apoia funsionáriu sira, rezolve dezafiu sira, no hametin ligasaun sira iha serbisu-fatin. Iha Loron Internasionál RH nian, ami selebra papél importante Rekursu Umanu nian, liu husi kriasaun ambiente ida ne'ebé funsionáriu sira sente valorizadu, motivadu, no hetan apoiu. Ohin loron, profisionál sira RH nian la'ós de'it rekrutadór ka administradór— sira maka mentór, konstrutór kultura nian, no líder sira. Servisu fatin ne'ebé forte buras liuhosi konfiansa, empatia, komunikasaun, no kolaborasaun. Bainhira funsionáriu sira sente ligadu no hetan apresiasaun, serbisu iha ekipa, halo organizasaun sira sai forte liután. Ohin ita selebra profisionál sira ne'ebé ajuda kria ekipa sira ne'ebé forte liu, kultura sira iha servisu fatin ne'ebé saudavel liu, no oportunidade sira ne'ebé di'ak liu ba funsionáriu sira atu buras. RH la'ós de'it kona-ba jere ema sira — maibé kona-ba fó kbiit ba sira. Obrigado ba profisionál RH ida-idak ne'ebé halo diferença loron-loron.

Oinsa AI Muda ema : Wainhira AI Hasoru Abilidade Umanu sira

- Husi Lian Konnekto nia Ekipa

Iha tempu agora, ita haree katak Artifisial Inteligénsia (AI) la'ós de'it konseitu futurista. Maibe AI halo ona parte husi serbisu loron-loron.

AI la'ós problema, AI la'ós kompetisaun, maibe AI mak ferramenta foun ne'ebé ajuda forma ita serbisu.

Maski AI avansa, iha buat balu ne'ebé nafatin Umanu mak forte liu:

- Kreatividade original
- Empatia no emotional intelligence
- Komunikasaun efetivu
- Lideransa iha ema
- Pensamentu kritiku iha situasaun kompleksa
- AI bele ajuda, maibé ema mak lidera.

Organizasaun ne'ebé sei susesu mak sira ne'ebé:

- Adapta ho teknolojia foun
- Kontinua Aprende
- Uza AI hanesan apoiu sistema
- Investe iha abilidade Umanu

AI mais ho Abilidade Umanu = Servisu ho Dezempeñu Aas

Susesu iha futuru la'ós kona-ba ema kontra AI, maibé kona-ba ema ne'ebé aprende, adapta, no lidera ho AI.

Iha futuru serbisu nian, susesu la depende deit ba hatene oinsa atu servisu, maibe hatene adapta, hanoin, no halo ligasaun.



FOKU BA TALENTU

- Husi Lian Konnektu nia Ekipa

Iha fulan ida ne'e mai ita kuñese oituan kona ba Maun Ricardo Flávio (Maun Ricky)



Ricardo Flávio Timorense, Program Coordinator iha Timor-Leste Hearts Fund (Hahu iha 2022 até Agora)

Hahan Favoritu : Tahu, Mostarda Mutin
Mehi Fatin Feriadu Favoritu : Madrid & Switzerland

Ema ne'ebe maka sai Inspirador :Pai no Mãe

Talentu ne'ebe mak ema seidauk hatene : Reading People

Lista ba mehi ne'ebe seidauk atinji Master's degree

Moto ba Moris: 5 thinking for 1 action

Ambisaun wainhira sei ki'ik : La iha ambisaun bainhira sei kiik

Tempu livre favoritu : Pasa tempu ho Familia

Kór favoritu : Verde eskuru no Azul

Kantór Favoritu : Vidigal Pinto & Lady Gaga

Favorite Football player: Gali Freitas Cristiano Ronaldo & Tony Cross

ANIVERSÁRIU SIRA IHA FULAN MAIU

Fulan ne'e, ami fo Parabéns ba ita nia kolega sira (Karik ita hasoru malu ho sira, hakuak sira reprezenta ami nia naran)



NARAN	LORON MORIS
Fatima Moniz Soares	03-May
Lifania Valver A. Hornai	05-May
Jose Da Costa	05-May
Deonisia Assencao Mendonca	09-May
Marciano Abel Soares	09-May
Martinho Noudoly M Ramos	10-May
Maguida Pacheco De Andrade	10-May
Berta Da Costa Belo	14-May
Lizandra Michela A R A De Melo	16-May
Sidónia Lucinda Ximenes	16-May
Vanio C De Jesus Lopes Pereira	17-May
Vicente Freitas De Araujo	19-May
Lizete Da Costa Sarmento	19-May
Riama Tilman	19-May
Alcina Mendonca De Jesus	19-May
Lourenca Faria Monteiro	20-May
Jacob Tavares	20-May
Gil Jose Pereira	22-May
Auxiliadora Da Costa De Jesus	24-May
Domingos Da Conceicao Pereira	25-May
Nofita Bete	25-May
Jose Filipe Manuel Guterres	26-May
Emilio Alves Lopes	28-May
Joaninha Pinto	28-May
Apolonia Da Silva	29-May
Helena Boavida Freitas	29-May
Manuel Da Silva	29-May
Veviana Falo	30-May
Merchiana Bano Falo	30-May
Maria G. Funan Guterres Riu	31-May

